

百名家詞鈔

名家詞鈔目錄

廬陵 聶先 晉人

纂定

長水 曾王孫 道扶

菊莊詞

吳江 徐鉉 電發

羅敷媚 二調 浣溪沙

減字木蘭花 二調 生查子

清平樂 南柯子

一痕沙 少年遊

鵬鴣天

柳梢青

醉落魄

蝶戀花
二調

一剪梅

惜分釵

踏莎行

玉樓春

漁家傲

醉春風

行香子

風入松

春衫淚

畫屏秋色

霜葉飛

滿江紅

燭影搖紅

洞庭春色

沁園春

二調

百字令

滿江紅

二調

念奴嬌

憶舊遊

水龍吟

菊莊詞

吳江 徐 鉉 電發

羅敷媚 無題

梵字闌干銀屈戌。錦瑟歡逢。彈破春風。都在衣香鬢影中。簾前鵲腦烟初散。惜別匆匆。翩若驚鴻。頓隔蓬山路幾重。

前調

綠熊小簾紅蕤枕。春筍親攜。月照窓西。半晌微聞笑語低。惺忪睡却蘭缸滅。又被荒鷄驚醒。雙栖惱殺。

霜天啞啞啼。

浣溪沙 初夏

懊惱提壺喚客愁。小牕濃綠上簾鉤。淺紅深白一時休。
悶數落花鶯舌老。閒勾飛絮燕泥柔。擡將倦眼倚高樓。

減字木蘭花 客途

垂鞭欲暮。踏遍天涯荒草路。剖面西風。昨夜濃香是夢中。
遠山幾點。牽惹離愁。渾欲斷。衰柳鴉啼一片。殘陽在客衣。

前調

西陵弔蘇小和香嚴詞韻

同心欲結西陵路一點癡情占斷芳名應駐芙蓉十
二城花開花落錢塘住飛絮風輕墓草烟生猶倚
垂楊屢喚卿

生查子

夏夜次棠村詞韻

晶簾乍捲時沉水香千縷偷弄玉簫聲翻作新詞譜
不寐倚桃笙更漏頻頻數冰骨自清涼休倩芭蕉
雨

清平樂

春雨

梨花無語斷送春如許因恁斜陽留不住變做一天
絲雨簾前都滿苔痕魂消不等黃昏柳眼皆含珠
淚山頭錯認巫雲

南柯子 贈鸚鵡

綺閣拋紅豆珠簾下玉鈎低垂雙翅綠雲柔報道鸚
鵡睡也小窓幽粉蝶花梢過流鶯枝上愁憑渠夢
到隴西頭怕是醒時多語不曾休

一痕沙 對鏡和沈偶僧韻

愁盡遠山鏡裏難掩春波帳底含笑復含顰肯窺人

小立粧臺悄悄。又被薄情偷照。羞澁却難撓。背郎看。

少年遊 紅橋感舊

綠楊絲裏隱紅橋。帘幙記曾挑。狂似樊川情如白傅。鬪殺小蠻腰。年來漂泊。心情改。猶自夢江皋。萬點離愁。一行清淚。都上木蘭橈。

鷓鴣天 憶故園

螺髻烟青烏柏紅。滿林霜信白蘋風。漫搖鴨嘴疎潭側。斜築蝸廬笠澤東。狂欲飲。悶書空。年年旅况客。

愁中幾時歸臥漁莊穩。分付卿心與斷鴻。

柳梢青

題畫

曲岸迴沙遠。汀孤嶼。衰柳風斜。淡寫青螺。輕描翠黛。
怕染霜華。酒醒人遠。天涯魂銷處。烟藏暮鴉。彷彿
倪迂。依稀荆浩。秋到誰家。

醉落魄

被酒感賦

官亭日暮。柳綿已著斜陽樹。心情小惡絲千縷。又值
花飛斷送胭脂雨。唾壺擊碎悲難住。銀瓶指點嘗
清醕。雄心骯髒。高歌去。袁伏羞呼醉。拍雕闌語。

掠且休斯覩。

行香子

歸與

鶯舌初圓。喚醒啼鵲。嘆勞勞旅髻徒然。翩其反矣。不
受人憐。學嵇生懶。倪迂。僻米家顛。收拾殘編。早買
歸船。筭匆匆世事。紛然。翩其反矣。且自隨緣。覓三間
屋。數竿竹。一池蓮。

風入松

旗亭小飲。同紀藥子。周雪客。家方虎。

青春游俠去。江東觴詠場中。旗亭對酒。花如雪。當壚
側。爛醉吳儂。指點綠楊。蘸水羸他紫馬嘶風。偉長

文筆少瑜工。燕市相逢。吹簫擊筑悲歌裏。誰憐惜。費後枯桐。只有石頭周顗。典衣埋骨堪從。

春衫淚

客懷

子規叫初歇。正客懷撩亂。無人猜著。明月樓前。碧桃花下。記當日烟鬟霧縠。癡如中酒。也都想日斜粧閣。心情惡。看翠袖重揜。淚珠彈却。斜壓香衾低垂羅帳。幽夢後天涯原各。且把斷腸提起。揀做楊花向江南流落。

畫屏秋色

重九登姑蘇城上

鶴市登高日。最凝眸。萬疊青山。橫碧天外。歸帆天際。
歸雲斷橋人寂。憶花草。吳官但野燒荒原。堆積且放。
却登山屐。聽城內哀笳。城邊畫角。無數通侯高第。建。
牙。築戟。追昔可勝悽惻。麋鹿散蒼茫。無極闔閭基。
址。淮張宮殿。頓成遺跡。欹帽戰西風。憑欄淚濕窮途。
客。搔短髮。聞哀笛。諸事總飄零。只有清秋過雁。妻斷。
高樓顏色。

霜葉飛

閨怨次周清真韻

雁聲草草。南樓過羣飛。齊下江表。蘭膏和淚咽空房。

小○膽○添○幽○悄○。漸○哀○角○霜○林○催○曉○。殘○星○數○點○銀○鰲○小○。又○
尋○到○深○閨○把○半○枕○孤○眠○滋○味○偏○來○相○照○。淒○淒○遠○樹○
烟○迷○。關○山○路○黑○。縱○有○游○魂○難○到○。玉○簫○徹○夜○弄○新○聲○。展○
轉○傷○懷○抱○。寶○瑟○鈿○箏○都○棄○了○。怕○憚○別○鵲○離○鸞○調○。揠○得○
朝○朝○暮○暮○鴛○枕○香○消○。淚○痕○多○少○。

滿江紅 廣陵旅感

十○載○蕪○城○風○景○異○。漫○天○風○雪○。嘆○半○載○蹇○驢○皂○帽○空○彈○
長○鋏○。雁○字○不○傳○雲○外○信○。梅○花○正○憶○窓○前○月○。望○鄉○關○。咫○
尺○路○偏○迷○。堪○嗚○咽○。畫○虎○志○終○消○歇○。雕○蟲○手○遭○摧○折○。

笑寒宵擁被。鹿裘如鐵。世態何須防。面冷丈夫原不
因人熱。看迴腸。清淚幾消磨。英雄血。

燭影搖紅

除夕

隔歲東風。預欺旅髻。添華髮。屠蘇傳遍。守蘭缸。怎得
銷愁法。料是紅閨早掩。訴燈花。向伊難說。除悲好夢。
歸去相尋。不教閒殺。十萬笙歌。繁華自趁江潮發。
椒盤歲歲。憶團圓。剪燭頻移榻。那管今宵。帳冷真辜
負。爆聲喧熱。定香橋下。囑付雙魚。替傳錦札。

洞庭春色

題棠村詞爲梁蒼巖尚書壽

學海詞源功名絕勝足竝千秋看曹劉沈謝廼公驅
遣夔龍稷契於帝焉求累葉金貂連鳳闕那便少車
前擁八騶經綸展啓沙隄黃閣一半丹丘滿座鄒
枚賓客較才雄誰似君侯記尚書紅杏金荃蘭畹坡
仙鐵板玉宇瓊樓暫借度支元補衮更頭黑三公笑
白頭逢洗沐坐蕉林書屋細勒銀鈎

沁園春

校鐫七十二芙蓉詞成上龔芝麓尚書

我愛先生蘭畹花間亦復爲之想瓊樓玉宇閒拋錦
字曉風殘月偶逗相思奪却騷壇撇殘狂客黃絹重

題少婦辭還須譜倩銀箏翠管玉軫金徽天街露
冷烟霏劃不斷柔情世上稀更鬼園春老客懷磊落
龍門路杳人想雄奇綠野陰濃碧紗烟籠拈斷霜毫
色正飛堪更美笑枝頭紅杏壓倒前題

前調

讀曹顧菴學士京華詞依韻奉柬

金馬銅龍游戲當時犢車入燕看禁烟藏柳鶯啼舊
樹玉河浸月雁訴遙天華轂朱門白衣蒼犬田竇紛
紜絕可憐歸來好有陶家松菊謝傅林泉舊游景
物依然倩紈扇新詞記往年想漳水臺空梁園鄴下

華清夢短。杜曲樊川。無數紅牙。一羣腰鼓。秋水春颿。
書畫船重來此。聽黃鸝細囀坡老堤邊。

百字令

題陳其年烏絲詞

彼髯何也。吐烏絲小字。公然滿幅。細嚼高吟。三百遍。
句句響過哀玉。被冷香殘。酒醒燈灺。最怕霜毫禿。而
今絕妙。依稀燕泥梁屋。却憶去歲春風。吳門絕句。
數首江烟綠。謂與高人元歎說。許我香簌堪續。吹裂
銀笙。拓殘金戟。一任歌徵逐。何時斗酒。與君汎愁千
斛。

滿江紅

過錫山贈吳伯成明府用宋荔裳觀

九龍巖畔。翻麥浪、千村花漲。還更指遠山雲起，危樓無恙。文采肯居吳質後，風流却在樊川上。倩司勳司戶兩行書。余以西樵阮亭雨公書至雙魚餉。玉壺側，鳴琴漾。錦瑟裏，鷗鷺唱喜名泉第二。可除官釀，載酒願從明府讌。登山竊侍先生杖。時同薛方伯秦太史游錫山看訟庭簾閣夜香濃，揮毫狀。

前調

題梁冶渭柳村漁樂園

烟柳濛濛。斜抱著清溪一曲。向此處編籬曬網，牽船

名家詩金
結屋鶯暖。鮑魚堆似土。水深蓴菜寒於玉。枕晴川。潑
眼入牕來。山光綠。雨初霽。分陶菊。炊漸起。燃湘竹。
聽拍歌銅斗。何愁榮辱。鴉舅籠烟昏樹遶。惡姑叫雨。
春田足。更月明。小艇剪汀莎。漁蠻熟。

百字令

索汪蛟門舍人新詞

金門游戲。向人間唾咳。皆成珠玉。司馬愁消方朔倦。
傳粉薰香。鹿鹿才子吟紅。佳人拾翠。辛柳真臣。僕新
詞好寄。與君齊被絲竹。憐余如此飄零。劈箋飛檄。
夜夜然官燭。腸斷西泠衰草暮。何況荆高哀筑。驅駕

花開頰。蘭畹。兩者惟君足。齊盟不棄。貽予黃絹千幅。

憶舊遊

寄家方虎

桑乾東去路。記玉河。烟月幾追歡。狗屠和筑客。旗亭樽酒。唱徹雙鬟。春風馬啼行疾。一日遍長安。喜孝穆珊瑚。吾家硯匣。已冠仙班。音書遲白雁。想華清宮闕。自異人間。縱漏催蓮炬。酒闌猛省。猶欲追攀。只是依人憔悴。青鬢損朱顏。傳語曲江頭。淒涼法曲。豈能彈。

水龍吟 維揚旅館和壁間韻

賣餠時節征塵淡。烟微雨輕相逗。羈懷暗數。客思重
悲。淚珠沾袖。錦纜何歸。綠楊空遍。天涯知否。向雷塘
風景。蜀崗烟草。安排著。帶圍瘦。今夜藁砧別後。香
閨夢也。曾參透。銀魚信斷。繡幃烟燼。那堪回首。綠髻
全非。青山不老。且啣尊酒。倩那關陣陣。東風吹落。滿
街殘漏。

丁飛濤彭曰。蒼巖先生謂余曰。詩尚沈雄。忌纖靡。詞貴輕婉。戒浮膩。較然分途。若柄鑿然。此詩之不可類乎詞。猶詞之不可以似乎詩也。如南唐北宋以還。幾數百年。振興之功。於今爲烈。繼起之英。指不勝屈。其聲諧調合。而不戾於古者。菊莊其弁冕乎。

宋牧仲

華

曰。電發天才。曠逸久客。晚江與余相遇。

京師出示夢遊天柱峯歌。豪宕不減青蓮。余故貽詩招飲。寺寓云。地僻花宮樽酒在。月明松逕

玉琴張遲君好。赴新晴夜。夢去同遊天柱傍。讀
菊莊憶秦娥菩薩蠻諸闕。猶有謫仙遺韻。

聶晉人

先

曰。菊莊詞穠艷中有高華。清新處見本

色。直追南唐。北宋不可以草窳玉田同日而語
也。

名家詞鈔目鈔

廬陵 聶先 晉人

纂定

長水 曾王孫 道扶

耕煙詞

晉陵 陳玉璣 椒峯

明月斜 花非花

望江南 二調 漁歌子

憶王孫 調笑令

西溪子 如夢令 二調

蝴蝶兒

隋堤柳

卜算子

好事近

誤佳期

更漏子

荊州亭

一落索

眉峰碧

阮郎歸

太常引

憶漢月

漁歌子

思遠人

木蘭花令

蝶戀花

二調

蘇幕遮

十調

漁家傲

定風波

醉春風

霜天曉角

鵲踏花翻

滿江紅

金菊對芙蓉

夜合花

桂枝香

東風第一枝

風流子

小梅花

摸魚兒

戚氏

耕煙詞

晉陵 陳玉璣 椒峰

明月斜 五更

三更風四更雨聽到五更眠不成黃鶯早向棠梨語

花非花 晚棹

酌巨羅歌子夜木蘭舟輕帆掛一帶雞聲細雨中半篙春水新烟外

望江南 薄暮泛舟東郊

芳堤畔雙跨小溪橋矮樹一林遮塔影短牆三尺露

花梢一徑轉漁樵。

前調 又

垂楊樹。烟裊綠初肥。宿鳥故飛飛。鳥宿歸雲欲斷斷。雲歸疑到画圖來。

漁歌子 春閨

繡閣香濃花綴枝。画簾春皺燕融泥。情慘澹。意迷離。欲罵東風悞向西。

憶王孫 登萬歲樓

新烟漠漠衆山秋。暮雨霏霏萬歲樓。把酒高歌坐上。

頭思悠悠。江聲猶作六朝愁。

調笑令

閨怨

骰子。骰子。薄倖拋人如此。錦屏銀燭花明。擲得巫山動情。情動情動。無語淚珠偷湧。

西溪子

書至

恨不將心與汝。悔殺將心與汝。別成年愁似水。纔得相思一語。相思語。總欺奴不如無。

如夢令

美人照鏡

閒向菱花獨坐。不道個人如我。你亦定知愁。畢竟儂

愁。真个知麼。知麼。料得原無别个。

前調

又

縱使别情離亂。那忍將伊分半。寄語向蕭郎。應憶水晶簾畔。依戀依戀。莫遣个中人換。

蝴蝶兒

本意

態兒佳。翅兒斜。多情愛入謝娘家。珠簾休要遮。欲避齊紈扇。驚飛小砌花。侍兒初學刺宮紗。停針覷定他。

隋堤柳

山居

家對椒山震水隈。豆棚瓜架足生涯。芙蓉楊柳夾溪
栽。每爲山高遲月上。不因簷矮礙雲來。時呼鄰叟
共啣盃。

卜算子 春愁

春來鎮日愁不見。愁來路。說道愁從春裏來。春似儂
愁做。春去愁無主。應把春催去。只怕春歸愁更多。
寧可畱春住。

好事近 睡起

睡起故凝眸。屏上暖鴛嬌鳳。生把春心忽惹。半晌思

殘夢連朝繡帖總慵拈。頗覺工夫空。恰喜天明未
久。還好和衣擁。

誤佳期

可怪

可怪侍兒跟定慣。把儂言竊聽。欲將他事向微嗔。可
識宜因怎。打算總無因。默坐桐花影。侍兒偏是解
情人。幕去煎香茗。

更漏子

無寐

月微微。星暫暫。樓外數聲殘笛。香篆爐。燭花摧。流蘇
風慣吹。枇杷門。梔子樹。點點亂星如雨。天欲曉。夢

難成。譙樓打四更。

荊州亭夢

直到五更方睡。春被軟風吹碎。好夢和流鶯。隨入柳陰花隊。蔦與羊車人會。臉暈紅潮如醉。悄語願郎聽。露冷霜濃宜畏。

一落索 教鸚鵡語

新將金鎖籠鸚鵡。朝餐多與教來香閣。幾行詩。贏得頻開齟齬。小鳥聰明如許。誦來楚楚。休將昵語令他知。恐怕人前亂語。

眉峰碧 梨花

樓外看難足。片片驚春目。楊花輪艷雪輪香。可是南
朝名玉。燕羽將伊蹴。鶯夢和伊宿。一時多少倚闌
人。風前月下。眉峰蹙。

阮郎歸 春閨

杏花零落蕩春烟。韶光在眼前。東風如醉草如眠。画
樓寒食天。籠茜袖。掠雲鬟。斜凭鬪鴨欄。嬌慵無力
上鞦韆。人如春夢閒。

太常引 楊花

溪邊一樹滿頭生。雲鬢舞絲青。最是恨難平。春來春
去共飄零。東風無賴。水晶簾畔。暗遣妾心驚。翠袖
撲來輕。一宵殘夢。不分明。

憶漢月

慵起

明月一天如水。變作五更殘雨。夢魂只在枕頭邊。幾
度思量不起。繡簾呼小婢。金獸裏衣香。添未今朝
無力。試新粧。且把玉臺深閉。

漁歌子

田家

蟹初肥。橙尚綠。半鉤月挂雙溪曲。小漁船連五六移。

過蓼花灘宿。牽稚子驅歸犢。偷閒且把秋場築。採
鮮菱。春舊穀。好酒鄰家賒熟。

思遠人 和晏小山詞

綠池烟冷殘霞鎖。人作天涯客。途長雁倦。霜濃馬滑。
遠信從何得。被頭溼盡雙珠滴。正秋窗如墨。央夢
到郎邊。郎情難測。須辨他顏色。

水蘭花令 芳踪

石闌干外苔痕碧。一寸香泥留軟跡。落花幾點覆香
泥。情多故把芳踪匿。落花如笑還如泣。恰比鴛衾

遮護密。那知多事是東風。將花吹去教郎覓。

蝶戀花 紅魚

謝豹聲乾。遮翠竹。清淺池塘。紅影翻深綠。幾箇文魚
穿水曲。玲瓏上下波生縠。睡起佳人耽玩。矚粉餌。
親調纖手。渾如玉。小立多時看不足。石屏風下安碁
局。

前調 相思鳥

劈竹編籠。絲縷細。小鳥多情。飛去還飛至。色似鴛鴦
身燕比。聲兒還比鶯兒媚。名喚相思真箇美。若到

饑時應餉相思子。美殺雙雙交頸睡。有人却把名兒
味。

蘇幕遮 十聽詞 隔牕聽墜釵聲

篆烟微。花霧薄。雲母屏前想像纔勻掠。簾倚水晶人
似昨。欲看梳頭惱恨輕紅幕。影依稀。粧綽約。響的
一聲知是金釵落。蔦地思量前事著。楚臣冠上曾遺
却。

前調 隔廊聽響屧聲

雨痕濃。風力軟。閒倚西軒悄地關情亂。燈半朧。窗

半掩却也銷魂聲近闌干畔。數行踪應不遠。做作
多姿故故教人美。休道江妃他服玩。當時回廊真千
萬。

前調 隔花聽咳嗽聲

砌痕紅。堦影綠。深院幽軒一帶蕭蕭竹。悄立佳人潛
素躡。窣地聞聲。花底銷魂足。惹鴛情驚蝶宿。鬢漾
玉。衣香髣髴闌干曲。楚楚如蘭餘馥馥。天風吹下瑤臺
玉。

前調 隔樓聽剪刀聲

名
言
金
席凝紅。臺冷翠。犀押珠簾。消息藏佳麗。銀漏遲遲。燈
作穗。玳瑁樓中。應有人無睡。剪刀聲。玉尺意。幾束
吳綾。珍重開文筭。昨夜峭寒窓外至。箇儂擬製鴛鴦
被。

前調 隔牆聽撥阮聲

竹聲搖。梧影動。隔院胡琴。幾曲連珠弄。此夜淒清。簾
擬控也。料燈邊低髻。愁難擁。故輕攏。還淺縱。牆角
東風。娟娟偏吹送。往事佳人都入夢。數條鴛縷。關情
重。

前調

隔坐聽彈指聲

畫屏間。銀蠟夜。酒尾茶頭。每到消魂也。碧玉釵藏綾
子。怕重疊。關情不語思量。乍海棠園。茶蘼樹。前事
如波。秋月春花謝。最是無聊彈指者。蟲蟲心裏眉峰
下。

前調

隔幃聽浴聲

月窺窓。花弄影。曲室迴廊。茉莉香中等。桃簾纔間鴛
枕冷。貪聽多時悄。伺愁難穩。近紗厨。臨玉井。蘭麝
微飄。幽入心脾沁。更擬冰肌端覩審。袖中好挾黃金

餅。

前調 隔水聽碁聲

碧桐軒。幽竹圃。清簾疎簾。人靜花陰午。小閣碁聲臨
別浦。紅袖閒敲。應博釵雙股。藕絲風。荷葉雨。迸入
樓中。清絕消殘暑。記共玉奴曾戲賭。驚心細事。傷紅
杜。

前調 隔壁聽展書聲

黛螺才。琴硯友。玉軸牙籤。書卷難離手。香縷茶烟停
午後。展帙聲中。消盡儂閒晝。費丹鉛。尋句讀。班女

當年淹博如他否。擬向仙人朱鳥牖。細將佳句相咀
剖。

前調 隔屏聽夢魔聲

合歡床相思。席午睡餘酣。夢裏惺惺。壓側聽隔屏聲。
轉急代覓雙鬟喚醒。嬌無力。倚多姿。偏小極。似醉
如癡。阿母休離側。自是佳人防膽怯。從今擬鎮須銀
葉。

漁家傲 渡江

北固晴霞連復斷。蒲帆六幅乘風轉。行近金山山脚

岸將船挽前邊恐怕風頭換說與舟人休過患風
波眼底原難算江湖咫尺猶然暫帆休捲將船付與
風波管

定風波

離情

人如春夢過匆忙情歷風波分外長越禮難甘呼放
誕誰慣離亭滋味怯初嘗選景勾簾春作伴偷玩
東風何處染衣香立盡長宵宵却短回看一番踪跡
一思量

醉春風

惜別

斜倚朱闌外。轉靠鸞臺背。淚波彈盡默無言。悔悔悔。
自笑癡心。翻成懊惱。此情難解。別酒凄然在。欲把。
還停會。歸期欲卜。怎生期耐耐耐。十二時辰。三千道。
路。愁腸應配。

霜天曉角 題友人像

新銜自署。濁世佳公子。近日蒙天勅賜第一等風流。
士。又頒別字。天下癡男子。叩頭長謝天公。幾椿事。還。
須與。此生酷嗜詩酒。和山水。又得美人絕世。工書。
畫。通文史。小臣無禮行。老是鄉矣。嗟乎壽不可知。天。

名
言
金
曰卿赦不死

鵲踏花翻

書懷

貧病風流支離蕭瑟相知只有當頭月儘教唾壺擊
碎劍匣長鳴一腔騷屑如何說在時猶咏少年謳悲
來漫減英雄色長揖總是賺人文墨把酒向要離
塚畔不則賀蘭山北茫茫和淚好與澆胸臆可憐不
佛不封侯千秋一片傷心碧

滿江紅

贈鈕山人

訝汝頭顱相別後今全白矣記昔日扁舟訪戴四年

於此矮屋數間藏石罅疎籬一帶編湖尾羨床頭幾
卷會心書南華子也不願爲人齒也不顧爲人恥
但杯中有酒陶然自喜醉後每拖藤杖去眠時不辨
松風裏問當今誰足傲羲皇先生耳

金菊對芙蓉

山塘買小梅數盆最愛色朱者

七里山塘疎籬曲岸烟光處處堪圖正花堪賣也柳
欲愁無是誰選得羅浮夢看枝頭小綴珊瑚疑落似
朱霞如凝絳雪影橫香疎多少裁剪工夫羨離奇
天矯雅淡濃枯有青苔作伴巧石相扶携來位置紅

窗側恍相對飄緲仙姝如何消得歌迎翠袖酒泛金
壺

夜合花

代東百花洲舟中作

水閣斜臨蘭舟橫繫天光幾度陰晴柔鄉欲老誰容
我不卿卿魂暗斷夢難醒最堪憐不嫁娉婷如何寄
語烏絲恨寫黃絹詞成生平微倖詩名喜掛玉人
繡齒朗咏閒評纏綿酬和生憎絮盡芳情疑語燕似
流鶯隔幾重心事瑤屏且休懊惱千磨萬折難負星
盟

桂枝香

秋日送人之金陵

執手河梁。恰風景新亭。黯然欲絕。一帶長江。似組青
山如織。六朝多少繁華夢。恁匆匆。玉簫聲歇。烏衣巷
口。莫愁湖畔。試停雙屐。轉眼又西風瑟瑟。古岸砧
催殘楊。蟬咽。此日憑臨。自爾興酣。落筆隔堤。少婦琵琶
曲。怕淒涼舊事難述。黃花白雁。柳。且過了登高
節。

東風第一枝

自壽

飲汝一盃。一盃飲汝。三十年來如此。何須絳灌羞同。

莫問雷陳誰擬吟詩作賦倘亦許流傳幾句論人生
何必才多歲月消磨而已門前柳青青如許樓頭
月娟娟可喜盧生枕上生涯鍾子琴中知己充飢果
腹有負郭微田足矣聽異時老死溝中仙佛徒吾欺
耳

風流子

靖江過徐山人家

驢沙三里外策蹇過楊柳亂陰遮見幾港江湖時來
時去數行茅屋如整如斜正是處夕陽翻古渡雜樹
擁晴霞犬吠村中乍驅歸犢桔槔聲裏難辨歸鴉

主人能好客。命蒼頭沽酒。童子煎茶。且喜群兒笑舞。
捕得魚蝦。更摘向畦邊。王瓜捧綠。折來庭畔。苦笋抽
芽。醉飽桐陰一榻。吾已忘家。

小梅花

有感括古語爲詞做賀東山體

將進酒。爲汝壽。不如意事常八九。黃金臺生草萊。千
秋萬歲公等安在哉。去年人到今年老。富貴應須致
身早。大長秋。關內侯。但看東方夫婿居上頭。游閒
子。莫愁里。人生行樂耳。恨重重。長樂鐘。不見五陵無
樹起。秋風馬中赤兔。人中布。滿眼輕薄何足數。脫紅

中誰與倫。且作嶽嶽歷落可笑人。

摸魚兒
落花

亂紛紛。画橋流水。原來都是桃李。香綿連日樓前滾。
不許珠簾不起。深有幾。聞說道蒼茫碧海差堪擬。春
間屈指。將萬點胭脂。年年打算。似海還無底。傷春
瘦。翠鼎慵飄寶篆。日高還擁羅被。輕紅小向梁間溜。
薄倖雙雙燕子。如何是。君不見。王孫芳草歸無計。危
闌獨倚。縱舞遍天涯。教休忘了。繡閣斜陽裏。

戚氏
五日靖江寓中作

名家詞鈔目錄

廬陵 聶先 晉人

纂定

長水 曾王孫 道扶

峽流詞

仁和王 晫 丹麓

如夢令 生查子

昭君怨 春光好

女冠子 菩薩蠻

巫山一段雲 羅敷媚

好事近

憶少年

誤佳期

桃源憶故人

柳梢青

燕歸梁

思越人

少年遊

醉紅粧

鵲橋仙

虞美人

明月掉孤舟

一斛珠

紅窓迴

鳳棲梧

風中柳

河滿子

百媚娘

剔銀燈

江城梅花引

玉人歌

滿江紅 二調

天香

春從天上來

賀新郎

峽流詞

仁和 王 暉 丹麓

如夢令 苦雨

鎖日霧迷烟障何處柳溪花港不見玉樓人倚着畫
屏凝望樓上樓上螢火隔簾一亮

生查子 歡情

人嫌郎薄情。儂怕郎情重。自有合歡牀。鴛被何曾空。
怪殺倦來時。夢又和伊共。無計脫纏綿。悔被紅顏
喚。

昭君怨 咏金雀花

鳥入花間名誤巧奪天工無數曉起拔金釵却疑猜
休把金丸彈雀白地幽花驚落春盡借秋光蝶衣
黃

春光好 春遊卽事

催夢醒鳥聲柔喚人遊烟外垂楊綠影浮雨初收
似趁東風吹去穿花漸近高樓翠幙低寒人面露惹
春愁

女冠子 本意

雲房一夢。繡蓋朱檐飄動。又鐘聲。月下閒。叅斗。花前學誦經。天香盈綵袖。風景繪幽屏。欲却塵緣事。奈多情。

菩薩蠻

新晴

開年半月風和雨。今朝纔得晴如許。綽約柳絲黃尚餘。梅瓣香。踏青將近矣。人在韶光裏。心事托春雲。花間挽繡裙。

巫山一段雲

紀夢

玉質梅花似。芳年荳蔻初。見人不語但躊躇。含笑解。

羅襦繡帶同心結。金釵壓髻疎。腰肢裊裊誰扶。
珍重響流蘇。

羅敷媚 陌上紀遇

香車忽下城西陌。蝶繞珠衫。鳳襯鞋尖。無限春情臉
際含。斜陽各自催歸去。欲上湘簾。故整犀簪。贏得
新愁別後添。

好事近 爲友催粧

開卷咏桃夭。報道有人如玉。準備綺疏珠幔。待仙娥
步蹙。風流應認畫眉時。光彩映紅燭。環珮欲鳴猶

住○看○鴛○鴦○新○浴○

憶少年 春情

春○山○淡○池○春○陰○黯○黯○春○風○嫵○娜○楊○花○亂○吹○入○正○倚○牀○
閒○坐○檢○點○琴○書○無○一○可○撥○金○爐○僅○留○餘○火○鸚○哥○向○
人○說○怪○將○他○籠○鎖○

誤佳期 訪某校書不值

路○隔○桃○源○難○認○知○道○画○樓○遠○近○東○風○吹○散○一○叢○花○蜂○
蝶○都○無○分○柳○學○細○腰○輕○山○似○長○眉○暈○粉○雲○香○雨○夢○
來○時○細○細○將○伊○問○

桃源憶故人 懷尤悔菴

新詞曾視君王草。唱徧旗亭嬌小。驚看廣寒宮曉。名
字傳天表。金門拂袖歸來。早高臥寄情花鳥。雲外
聞津難到。夢向西堂繞。

柳梢青 別緒

何處傷心。長亭柳色。憔悴難禁。往日曾攀。昨朝未免。
又值而今。樽前莫怪沉吟。珍重意山高水深。一曲
驪歌。三杯別酒。千里孤衾。

燕歸梁 燕至

病○守○梨○花○靜○掩○門○寂○寞○芳○辰○一○雙○玄○鳥○掠○青○蘋○閒○窺○
幙○解○依○人○箇○人○一○去○無○消○息○紅○衫○濕○徧○啼○痕○鸞○箋○
題○就○幾○回○文○重○繫○足○寄○殷○勤○

思越人

對月有懷方丈虎羅弘載姜汝臯諸

竹○聲○疎○蛩○語○細○一○簾○清○影○窺○人○文○燕○香○銷○愁○獨○熾○坐○
憐○征○雁○離○羣○秋○江○數○月○魚○書○斷○望○隨○烟○障○雲○亂○欲○
與○故○人○憑○夢○見○寒○風○依○舊○吹○散○

少年遊

送憚正叔歸毘陵

精○神○滿○腹○烟○雲○在○手○揮○洒○見○幽○情○十○里○西○湖○濃○粧○淡○

抹只是想毘陵。驪歌唱罷人皆醉。猶倚玉簫聲落。
日躊躇。後期重訂。疎柳暗紅亭。

醉紅粧

午日

单衫鮮似杏紅嬌。画裙輕稱細腰。篆符斜向玉釵搖。
分昌歆和香醪。蘭湯浴罷倦無聊。倚苔石。弄瓊簫。
製得守宮羞。不點明日驗。怕全消。

鵲橋仙

閏七夕

鵲聲再報。虹橋重架。僥倖今秋佳景。月痕偷照看如
何。夜渡處。不嫌淒冷。機絲停織。箱奩閒服。好事雙

頭承領。早知良會。又來時。前度裏。別離堪省。

虞美人

閨怨

憶郎今與儂。身近兩地。相思甚。憶郎乍得近。儂時願。
效鴛鴦。長伴。莫輕離。郎今久與儂。分別生把恩情。
撇。祇拚紅淚度青春。更望誰來驗。取枕邊痕。

明月掉孤月

過訪張砥中山庄不值

家近雷峰春意早。被風催野梅開了。竹裏層樓四時。
朝暮。領取湖光多少。遠駕扁舟穿荇藻。日將斜。故
人初到。画壁雲閒。書帷琴靜。愁聽隔林啼鳥。

一斛珠

李湘北太史見貽容齋諸刻賦謝

怨紅愁綠。夢回倦倚窓前竹。故人心事傳銀鹿。遠寄
縹緲。滿眼琳琅觸。當年供奉填新曲。而今又把風
流續。携來近向花間讀。木葉驚翻。化作雲飛逐。

紅窓迴

美人春睡

悶厭厭。渾似醉。雙鬟。繡枕強捱。因循一會。夢繞珍
珠簾內。被鶯聲喚起。問道斜陽可曾落未。只見侍
兒回。道月兒上矣。悄無言。冷清清地。捲被兒又睡。

鳳棲梧

嚴柱峯御史見過有贈

堂對兩峰秋更好。似鏡湖光照出閒花草。珥筆螭頭
年正小。寧親驄馬歸來早。三徑蓬蒿虛却掃。不厭
山樽何日重傾倒。且着綠衣陪色笑。諫書聞道新來
少。

風中柳 本意

剪出柔絲。點綴一春垂嬾。近欄干東風頻掃。曉烟無
數。更添他籠罩。奈眠時許多驚擾。望斷天涯馬首
行人懷抱。最傷心長堤綠繞桃花吹盡。伴河邊芳草。
藏不住嫩鶯聲巧。

河滿子 春怨

雲地春風何處。依然月影空林。最怪間關啼鳥舌。遶西夢也難尋。起向曲檻閒佇。看他新綠陰陰。闌草那逢伴侶。對花又費沉吟。小樣蠻牋裁半幅。寫來總是傷心。除是數杯紅友。勝調一曲青琴。

百媚娘 逢艷

自是蕊宮仙子。不合見生塵世。南陌東城連北里。若箇似伊堪喜。莫把花枝閒比擬。花也應羞死。浪說目成秋水。鎮日画簾垂地。說是無情還有意。爲甚顛。

驚不已。裊裊楚雲無處倚。吹入人懷裏。

別銀燈

與魏冰叔沈甸華夜話

做出風酸雨。細又早。是深秋。天氣石砌蛩哀。書帷螢
暗轉展。益添愁思。如斯遙夜。却教我怎生安睡。賴
有良朋相慰。更不怕驅愁無計。對酒論文。擊壺說劍。
重把銀燈挑起。更殘忘倦。問童子野雞鳴未。

江城梅花引

次韻送張虞山歸里

長亭分袂欲魂消。教停橈。且停橈。猶喜多情楊柳絆
河橋。把酒勸君君莫却。問相別。得重來。正不遙。不

遙不遙只今宵到明朝似乘潮去也去也去恁速並
舉雙篙那更長天一望水滔滔剩有愁懷難盡訴明
月夜着清風逐夢飄

玉人歌

聽馮靜容女史度曲

湘簾翠是何處鶯聲花間遊戲櫻脣一點宛轉意先
會傷人漫說銷魂死只恐情難寄更那堪妙舞霓裳
似風搖燕尾紅豆倩誰記便除却周郎顧伊不止
天也多情雲駐碧空際愁香怨粉渾如訴酒化多情
淚又誰知簾外絳河垂地

滿江紅

爲周櫟園司農賦次馮幼將韻

崧嶽鍾英。維神降、清和初七。須記取、稱觴介壽。年年
此日。博學曾分燃火杖。仙才合夢生花筆。籍公卿雅
望。適前人、卑曹畢。萬鍾受、初非得。一身在、原非失。
笑白雲、蒼狗何時能逸。濟盡後先。皆過甲。論詩元白。
羞稱乙。問平生。用舍與行藏。全毋必。

前調

曠世才華。端不愧、校書天祿。任遊戲、頻年仕宦。有同
雙陸。辣性自應推老桂。長生豈在餐秋菊。上層樓、是

画是青山。惟君讀。酒堪醉。何須漉。頂可露。何妨禿。
正先生睡醒。香清茶熟。官去但餘能舞鶴。客來只驗。
常鳴鹿。念蒼生。引領望東山。停絲竹。

天香 咏桂

秋到三分。香生雲外。飄飄馥郁窓几。不是蟾宮。降來
佳種。那得百官都廢。幾回賞玩。應不惜洞庭春美。涼。
透疎簾。淡月芳踰半溪蘭水。明朝試尋仄徑。露珠。
苔滑。迷空翠。費却十年辛苦。十枝成矣。爭羨平康小。
妓道染却幽芬。絳袍裏。柳汁無勞薰衣莫比。

春從天上來

喜鄒程村至

春色飄零。歎寂寞空齋。卷帙塵生。故人重訪。忽破愁城。年來到處逢迎。問西江遊記。有多少。感動山靈。檢行囊。似深藏玉采。漫擲金聲。新詞更標幽艷。看若箇雙鬟。唱徹旗亭。意氣傾人。風流名世。頓覺一坐皆驚。寫銀箋應徧。經題品。勝似丹青。且開懷。正小庭新綠。尚語殘鶯。

賀新郎

贈友新婚

喜氣天邊有。看雙星良宵乍合。風流佳偶。射雀乘龍。

當日事偏許而今還又况文采胸中蟠繡拈取生花
江令筆畫修眉曉鏡臨粧候閨閣內試新手樓高
近接西湖秀是分明藕花燦爛鴛鴦齊覆便祝熊羆
床第夢蘭氣吹香入口玉柄塵君家藏久縱欲高談
驚四座奈私心眷戀非關酒花燭下眼光溜

毛稚黃

先舒

曰旖旎風流又兼遠韻清豪頓挫不

墮嘈雜。此南唐北宋人之所難有也。吾讀丹麓詞便謂山谷少游清真子野諸公間當虛一座以待。

施愚山

閩章

曰詞貴清空不尚質實蓋清空則靈。

質實則滯所以夢窗白石未免有偏勝之弊耳。詞名峽流則全以氣勝能使清空質實相爲表裏。此丹麓之詞在所必傳也夫。

毛大可

奇齡

曰峽流長調每於換頭處生情生景。

自有翠疊千峰藍拖百頃之致至其胸懷磊落
傲睨天地非僅詞人所能及之者。